

Panduan QADHA' SOLAT



PENGUKUHAN
ILMU TENTANG
CARA SOLAT GANTI

PANDUAN QADHA' SOLAT

(Pengukuhan Ilmu Tentang Cara Solat Ganti)

Terbitan : Dakwah Digital Network

بِسْمِ اللَّهِ الرَّحْمَنِ الرَّحِيمِ

Bismillahirrahmanirrahim

(Dengan nama Allah Yang Maha Pemurah lagi Maha Penyayang)

DOA KETIKA MEMULAKAN MAJLIS DAN MEMPELAJARI KITAB

Ditulis oleh : Al-Habib Muhammad bin Abdillah Al-Haddar r.a.

اللَّهُمَّ إِنِّي أَقْدَمُ إِلَيْكَ بَيْنَ يَدَيْ كُلِّ نَفْسٍ وَلَحْظَةٍ وَخَطْرَةٍ وَطَرْفَةٍ يَطْرُفُ بِهَا أَهْلُ السَّمَاوَاتِ وَأَهْلُ الْأَرْضِ، وَكُلُّ شَيْءٍ هُوَ كَائِنٌ فِي عِلْمِكَ أَوْ قَدْ كَانَ، أَقْدَمُ إِلَيْكَ بَيْنَ يَدَيْ ذَلِكَ كُلِّهِ، الْحَمْدُ لِلَّهِ رَبِّ الْعَالَمِينَ، اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَآلِهِ فِي كُلِّ لَحْظَةٍ أَبْدًا عَدَدَ نَعْمَ اللَّهُ وَإِفْضَالِهِ، اللَّهُمَّ رَبَّنَا أَتَنَا مِنْ لَدُنْكَ رَحْمَةً وَعَلَمْنَا مِنْ لَدُنْكَ عِلْمًا، سُبْحَانَكَ لَا عِلْمَ لَنَا إِلَّا مَا عَلَمْتَنَا، إِنَّكَ أَنْتَ الْعَلِيمُ الْحَكِيمُ. بِسْمِ اللَّهِ الرَّحْمَنِ الرَّحِيمِ، نَوَيْتُ التَّعْلُمَ وَالتَّعْلِيمَ، وَالثَّدِيرَ كُرْ وَالثَّدِيرَ كُرْ وَالنَّفْعَ وَالْإِنْتِفَاعَ، وَالإِفَادَةَ حُمْنِ الرَّحِيمِ، وَالحَثَّ عَلَى التَّمْسِكِ بِكِتَابِ اللَّهِ الْعَزِيزِ، وَالدُّعَاءِ إِلَى الْهُدَىِ، وَالدَّلَالَةُ وَالإِسْتِفَادَةُ، وَالحَثَّ عَلَى التَّمْسِكِ بِكِتَابِ اللَّهِ الْعَزِيزِ، وَالدُّعَاءِ إِلَى الْهُدَىِ، وَالدَّلَالَةُ عَلَى الْخَيْرِ، ابْتِغَاءَ وَجْهِ اللَّهِ تَعَالَى وَرِضَايَهِ، وَقُرْبَيْهِ وَثَوَابِهِ سُبْحَانَهُ، اللَّهُمَّ صَلِّ عَلَى سَيِّدِنَا مُحَمَّدٍ وَآلِهِ وَسَلِّمْ، اللَّهُمَّ أَهْمَنَا عِلْمًا نَفَقَهُ بِهِ أَوْ أَمْرَكَ وَنَوَاهِيكَ، وَارْزُقْنَا بِهِ كَيْفَ نُنَاجِيْكَ يَا أَرْحَمَ الرَّاحِمِينَ، اللَّهُمَّ إِنَّا نَسْأَلُكَ فَهْمَ النَّبِيِّينَ، وَحِفْظَ الْمُرْسَلِينَ، وَإِلَهَامَ الْمَلَائِكَةِ الْمُقَرَّبِينَ، اللَّهُمَّ أَغْنِنَا بِالْعِلْمِ، وَزَيِّنَا بِالْحِلْمِ، وَأَكْرِمْنَا بِالْتَّقْوَىِ، وَجَمِّلْنَا بِالْعَافِيَةِ، يَا أَرْحَمَ الرَّاحِمِينَ، اللَّهُمَّ إِنَّا نَسْتَوْدِعُكَ مَا قَرَأْنَا وَأَنْقَرَأْهُ فِي هَذَا الْمَجْلِسِ، وَمَا قَبْلَهُ وَمَا بَعْدَهُ فَاقْحَفْظْهُ عَلَيْنَا حَتَّى تَرْدَهُ إِلَيْنَا وَقْتَ احْتِيَاجَنَا إِلَيْهِ، يَا أَرْحَمَ

الرَّاحِمِينَ،

اللَّهُمَّ أَكْرِمْنَا بِنُورِ الْفَهْمِ، وَأَخْرِجْنَا مِنْ ظُلُمَاتِ الْوَهْمِ، وَافْتَحْ لَنَا أَبْوَابَ رَحْمَتِكَ، وَانْشُرْ عَلَيْنَا حِكْمَتَكَ، يَا أَرْحَمَ الرَّاحِمِينَ، سُبْحَنَكَ لَا عِلْمَ لَنَا إِلَّا مَا عَلَمْتَنَا إِنَّكَ أَنْتَ الْعَلِيمُ الْحَكِيمُ، وَصَلَّى اللَّهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ. اللَّهُمَّ يَا مَنْ مَقَالِيدُ الْمُؤْكِلِّهَا بِيَدِهِ، وَإِلَيْهِ يَرْجِعُ الْأَمْرُ كُلُّهُ، يَا فَتَّاحَ يَاعَلِيمٍ افْتَحْ عَلَيْنَا فَتْحًا قَرِيبًا، وَصَلَّى اللَّهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ. بِسْمِ اللَّهِ الرَّحْمَنِ الرَّحِيمِ، رَبِّ أَشْرَحِ لِي صَدِريْ، وَيَسِّرْ لِي أَمْرِيْ، وَأَحْلِلْ عَقْدَةً مِنْ لِسَانِي، يَفْقَهُوا قَوْلِي، وَسَدِّدْ لِسَانِي، وَاهْدِ قَلْبِي، وَافْعُلْ كَذَلِكَ بِأَحْبَابِي أَبْدًا، وَارْزُقْنَا كَمَالَ فُتُوحِ الْعَارِفِينَ، وَالفَقْهَ فِي الدِّينِ، مَعَ كَمَالِ الْإِخْلَاصِ وَالصَّدْقِ وَالْيَقِينِ وَالْعَافِيَةِ وَالْغَنَى وَالنَّصْرِ وَالْحِفْظِ، (وَالنَّفْعُ ٢٠) وَالْأُنْتِقَاعِ، وَحَيْرَاتِ الدَّارِيْنَ، وَعُلُومِ الْأَوَّلِيْنَ وَالآخِرِيْنَ، آمِينَ، وَصَلَّى اللهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ.



Al-Quran dan hadis adalah dua sumber utama hukum dalam Islam. Hal ini diakui sebagai sumber utama atau prinsip hukum (usul al-Fiqh).



Qiyas merupakan kaedah penting dalam Fiqh Islam yang digunakan apabila tidak ada petunjuk langsung dari al-Quran atau hadis untuk menyelesaikan sesuatu masalah. Qiyas ialah proses membandingkan sesuatu isu atau masalah baharu dengan isu yang telah dibincangkan dalam al-Quran atau hadis untuk menentukan hukum yang sesuai.



Ijmak (kesepakatan ulama) adalah salah satu sumber hukum dalam Islam. Ijmak merujuk kepada kesepakatan ulama sejak awal Islam mengenai hukum atau masalah tertentu.



Ilmu hadis yang mengutamakan penafsiran (tafsir) hadis berdasarkan zahir lafaz (teks literal) dan menekankan makna yang lebih dekat dengan zahir lafaz.



Jika terdapat banyak hadis yang serupa, maka yang tersimpan adalah sanad hadis yang paling sahih.

Hadis-hadis Munqothi' tidak dijadikan dalil bagi masalah, kecuali hadis yang diriwayatkan daripada Sa'id bin Musayyib r.a.

Soalan "Mengapa dan Bagaimana?" tentang asas dan sebab hukum mungkin tidak lagi ditanyakan kepada "Ashli" (iaitu al-Quran dan hadis). Sebaliknya, soalan berkenaan ditanyakan kepada "furū'" (cabang).

Qiyas jika betul adalah dalil (bukti) yang sah terhadap sesuatu masalah.

Penerbit:

Dakwah Digital Network

Penyusun:

Amar Mirza Abd Kadir Jailani

Editor Bahasa:

Team BeDaie

Diterbitkan oleh:

Dakwah Digital Network

Lot 2853, Tingkat 2, Kampung Peringat,
Jalan Pasir Puteh, 16090 Kota Bharu,
Kelantan.

Tel: 014-2192498 / 01157798533

Email: bedaieofficial@gmail.com

Laman rasmi: bedaie.com.my

Facebook: Bedaie

Instagram: bedaie_official

youtube: Bedaie

Hak cipta terpelihara

Cetakan pertama 2024



Data Pengkatalogan-dalam-Penerbitan

Perpustakaan Negara Malaysia

Rekod katalog untuk buku ini boleh didapati
dari Perpustakaan Negara Malaysia

ISBN 978-629-98264-9-1

ISI KANDUNGAN

BAB-1 : PANDUAN ASAS QADHA' SOLAT	1
• Apa Itu Qadha' Solat?	2
• Hukum Qadha' Solat	4
• Golongan Yang Wajib Dan Tidak Wajib Qadha'	
Solat	7
• Cara Kiraan Jumlah Solat Yang Telah Ditinggalkan	10
• Tertib Antara Solat Ada'an Dan Qadha'an	14
• Keadaan Suara Ketika Qadha' Solat	16
• Tentang Niat Qadha' Solat	18
BAB-2 : HUKUMAN BAGI ORANG YANG	28
MENINGGALKAN SOLAT	
• Hukuman Bagi Orang Yang Meninggalkan Solat	29
• Seksaan Semasa Di Dunia	37
• Seksaan Semasa Hendak Mati	39
• Seksaan Semasa Dalam Kubur	41
• Seksaan Semasa Hari Kiamat	43
BAB-3 : JENIS-JENIS SOLAT QADHA'	47
• Qadha' Solat Bagi Orang Kafir Masuk Islam Dan	
Orang Murtad	48
• Qadha' Solat Qasar Ketika Musafir	50
• Qadha' Solat fardhu Secara Berjemaah	53
• Qadha' Solat Tahajjud	55
• Qadha' Solat Selepas Subuh Atau Asar	57

ISI KANDUNGAN

• Qadha' Solat Kerana Tersilap Dugaan	59
• Qadha' Solat Sunat Mu'aqqatah	61
• Qadha' Untuk Orang Yang Minum Arak	64
• Qadha' Solat Orang Yang Dibius	66
• Qadha' Solat Perempuan Yang Menggugurkan Kandungan	68
• Qadha' Solat Bagi Oang Sakit Yang Tidak Sedarkan Diri Kemudian Meninggal	70
 BAB-4 : CARA-CARA QADHA' SOLAT	72
• Tertib Qadha' Solat	73
• Qadha' Solat Secara Berturut-Turut	76
• Menguatkan Bacaan Solat Kerana Dipengaruhi Waktu	78
• Azan Dan Iqamat Untuk Solat Qadha'	80
• Solat Dalam Keadaan Waktu Yang Tidak Mencukupi	82
• Keadaan Solat Orang Yang Bertampal	85
• Bacaan Qunut Untuk Solat Subuh	88
• Mengqadha'kan Solat Orang Yang Telah Meninggal Dunia	90
• Qadha' Solat fardhu Dalam Solat Tarawih	96
• Hukum Qadha' Solat Sunat	98

ISI KANDUNGAN

BAB-5 : UZUR, HAID DAN SOLAT QADHA'	101
• Solat Yang Wajib Dan Yang Tidak Wajib Diqadha'	102
• Cara Qadha' Solat Yang Ditinggalkan Kerana Uzur Syar'i	104
• Cara Qadha' Solat Yang Ditinggalkan Kerana Bukan Uzur Syar'i	106
• Keadaan Qadha' Solat Kerana Uzur	110
• Perincian Hukum Dalam Mempercepatkan Qadha' Solat	113
• Belum Qadha' Solat Tetapi Solat Sunat	115
• Melambat-Lambatkan Solat Sehingga Datang Haid	120
• Berhenti Dari Haid/Gila/Dirasuk Dalam Waktu Takbiratul Ihram	122
• Qadha' Bagi Wanita Yang Sedang Haid Dan Nifas	124
FADILAT : SOLAT FARDHU	126
• Fadilat Solat Fardhu	127
• Kelebihan Menunaikan Solat	143

TRANSLITERASI

HURUF ARAB	HURUF RUMI	HURUF ARAB	HURUF RUMI
ا	A	ط	T
ب	B	ظ	Z
ت	T	ع	'
ث	Th	غ	Gh
ج	J	ف	F
ح	H	ق	Q
خ	Kh	ڭ	K
د	D	ل	L
ذ	Dh	م	M
ر	R	ن	N
ز	Z	و	W
س	S	ھ	H
ش	Sh	ء	'
ص	S	ي	Y
ض	D	ة	H

KATA PENGANTAR



Bismillahirrahmanirrahim,

Puji syukur kami panjatkan ke hadrat Allah SWT yang telah melimpahkan rahmat dan hidayah-Nya sehingga buku ini dapat diterbitkan dengan jayanya. Selawat dan salam sentiasa tercurah kepada Nabi Muhammad SAW, yang membawa petunjuk hidup bagi umat manusia.

Buku berjudul Panduan Qadha' Solat ini disusun dengan tujuan untuk memberikan pemahaman yang mendalam tentang setiap hukum dan langkah-langkah yang dilakukan semasa melakukan solat ganti. Melalui buku ini, diharapkan pembaca dapat meningkatkan pengetahuan dan ketelitian dalam penggantian solat yang telah ditinggalkan sama ada sengaja atau tidak sebagai usaha mendekatkan diri kepada Allah SWT.

Qadha' adalah melakukan ibadah (dalam konteks ini ialah solat) di luar waktunya atau melakukannya dalam waktunya tetapi tidak mencapai 1 rakaat. Adalah penting untuk mempelajari hukum hakam qadha' solat agar tidak timbul rasa was-was dalam melaksanakan solat ganti. Disusun dengan konsep yang ringkas namun informatif dan menggunakan warna-warna yang menarik supaya pembaca lebih mudah memahaminya.

Semoga buku ini bermanfaat bagi pembaca, khususnya mereka yang ingin memperbaiki kualiti solat. Saya berharap agar ilmu qadha' solat yang dipelajari dapat menjadi amalan yang mendatangkan keberkatan dari Allah SWT.

Akhir kata, mohon maaf jika ada kekurangan dalam naskhah ini. Semoga kita semua menjadi hamba yang taat dan mampu menyempurnakan ibadah agar solat kita diterima disisi Allah SWT. Wassalamu'alaikum warahmatullahi wabarakatuh.

Amar Mirza Abd Kadir Jailani
(Pengasas BeDaie)



"1 Rumah, 1 Daie"

PANDUAN QADHA' SOLAT



BAB-1

PANDUAN ASAS QADHA' SOLAT

- **Apa Itu Qadha' Solat?**
- **Hukum Qadha' Solat**
- **Golongan Yang Wajib Dan Tidak Wajib Qadha'**
Solat
- **Cara Kiraaan Jumlah Solat Yang Telah**
Ditinggalkan
- **Tertib Antara Solat Ada'an Dan Qadha'an**
- **Keadaan Suara Ketika Solat Qadha'**
- **Tentang Niat Solat Qadha'**

APA ITU QHADA' SOLAT?



Dari Segi Bahasa

Sama makna dengan **ada'** iaitu menunaikan atau membayar

Dari Segi Istilah

Menunaikan ibadah di luar waktunya sama sekali, atau masih di **dalam waktunya tetapi kurang daripada kadar satu rakaat solat.**

Sekiranya seseorang meninggalkan solat kerana uzur syar'i seperti tertidur atau lupa, maka dihukum sunat baginya untuk segera **menqadha' solat**. Waktu terbaik untuk menggantikan solat adalah pada sebelum atau selepas solat fardhu.

HUKUM QADHA' SOLAT



2 JENIS HUTANG

Hutang dengan Allah

Hutang dengan Manusia

Jika berhutang dengan manusia kita disarankan menyegerakan pembayarannya, maka **bila melibatkan hutang dengan Allah, kita lebih harus bersegera dalam melunaskannya.** Sebagai contoh, sekiranya kita tertinggal solat Asar kerana faktor jalan yang sesak semasa pulang dari kerja dan hanya sampai setelah masuknya Maghrib, maka sebaik selesai mengerjakan solat Maghrib hendaklah kita qadha' solat Asar dengan segera.

Jika kita mengqadha' pada keesokan harinya, ia masih sah dan tidak haram namun perkara tersebut seolah-olah kita menganggap ringan hal solat dan hukumnya makruh. Malah ia akan bertukar haram serta berdosa jika kita tidak melaksanakan qadha' bagi solat berkenaan.



أَنْ امْرَأً مِنْ جُهَيْنَةَ جَاءَتْ إِلَى النَّبِيِّ - صَلَّى اللَّهُ عَلَيْهِ وَسَلَّمَ فَقَالَتْ: إِنَّ أُمِّي نَذَرَتْ أَنْ تَحْجَجَ فَلَمْ تَحْجَجْ حَتَّى مَاتَتْ، أَفَأَحْجُجُ عَنْهَا؟ قَالَ: نَعَمْ حُجَّيْ عَنْهَا، أَرَأَيْتِ لَوْ كَانَ عَلَى أُمِّكِ دِينٌ أَكْنَتْ قَاضِيَّةً؟ اقْضُوا اللَّهُ أَحَقُّ بِالْوَفَاءِ

Maksudnya: "Seorang wanita dari Juhainah datang menemui Rasulullah ﷺ dan berkata: "Sesungguhnya ibuku telah bernazar untuk menunaikan haji, apakah aku perlu menunaikan haji bagi pihaknya?" Jawab Baginda: "Ya, tunaikanlah haji untuknya. Apa pandangan kamu kalau ibu kamu berhutang, apakah kamu perlu melunaskannya?". Jawabnya: "Ya". Sabda Baginda: "Tunaikanlah hutang Allah dan hutang Allah lebih berhak untuk dilunaskan."

HR Imam Bukhari, Ahmad & An-Nasa'i

Nota Ringkas

Wajib bayar hutang solat
kita kepada Allah SWT

GOLONGAN YANG WAJIB DAN TIDAK WAJIB QADHA' SOLAT



Empat (4) Golongan Yang Wajib Qadha' Solat

1

Orang yang
murtad

2

Orang yang
berpura-pura
gila

3

Orang yang
pengsan
dengan sengaja

4

Orang yang
mabuk dengan
sengaja



Tujuh (7) Golongan Yang Tidak Wajib Qadha' Solat

1

Kanak-kanak
yang belum
baligh

2

Orang yang
tidak solat
kerana
dahulunya kafir
asli

3

Wanita
yang
datang haid

4

Wanita yang
keluar nifas

5

Orang yang gila
dengan tidak
sengaja

6

Orang yang
pengsan
dengan tidak
sengaja

7


Orang yang
mabuk dengan
tidak sengaja

CARA KIRAAN JUMLAH SOLAT YANG TELAH DITINGGALKAN



Jika seseorang boleh menghitung solat yang pernah ditinggalkan, maka dia hendaklah menghitungnya terlebih dahulu. Jika tidak ingat sama sekali, maka dia hendaklah mengqadha'kannya sehingga ada keyakinan dalam hati yang semua solatnya sudah diqadha'kan.

Menurut satu pendapat lain, orang yang tidak pernah solat, dia hendaklah mengqadha' solat-solat yang masih diragukan pelaksanaannya. Menurut Imam Nawawi, dia hendaklah mengqadha' solat-solat yang ditinggalkannya.





Bagi ulama Hanafiyyah dan sebahagian Malikiyyah, solat yang wajib diqadha' akan selesai apabila ada sebuah sangkaan yang solat-solat itu telah diselesaikan.

Bagi orang yang telah bertahun-tahun meninggalkan solat tetapi tidak ingat berapa banyak solat yang telah ditinggalkannya, ulama khilaf (berbeza pendapat) kepada dua (2) pendapat:

Pendapat 1

Menurut Al-Qadhi Husain, Imam Ibnu Hajar dan Imam Ar-Ramli, hendaklah mengqadha' seluruh solat yang jelas dan tidak jelas ditinggalkan.

Pendapat 2

Mengikut Imam Nawawi dan Imam Al-Gaffal, hanya menjadi kewajipan untuk mengqadha' semua solat yang yakin (jelas) ditinggalkannya sahaja. Jika tidak pasti jumlah solat yang ditinggalkan, maka wajib mengqadha' jumlah yang diyakini ditinggalkan atau tidak diragukan.



Walau bagaimanapun, menurut qaul muktamad, wajib mengqadha' solat yang ditinggalkan dengan melebihi jumlah yang diyakini iaitu dengan membandingkannya dengan jumlah solat yang telah dikerjakan.

Sebagai contoh, dalam sebulan dia yakin telah solat sebanyak 10 hari, maka dia wajib mengqadha' solat melebihi 20 hari.

Perkara ini perlu ditafsil (diperinci). Bagi mereka yang selalu solat, mereka hanya berkewajipan mengqadha' solat yang yakin ditinggalkan. Bagi mereka yang selalu meninggalkan solat, wajib mengqadha' solat-solat yang ditinggalkan sehingga yakin telah mengerjakan semuanya

Nota Ringkas

Wajib qadha' solat yang ditinggalkan melebihi jumlah yang diyakini

TERTIB ANTARA SOLAT ADA'AN DAN QADHA'AN



Jika telah masuk waktu solat fardhu dan memiliki tanggungan mengqadha' solat, maka perincian hukumnya adalah seperti berikut:

Jika waktu solat seterusnya semakin dekat, maka wajib mendahulukan solat untuk hari tersebut, kemudian melaksanakan qadha' solat.

Jika waktu solat masih panjang maka sunat mendahulukan qadha' solat, kemudian laksanakan solat untuk hari tersebut.




sc : semoo_art

Nota Ringkas


Terdapat dua(2) perincian hukum jika memiliki tanggungan mengqadha' solat

KEADAAN SUARA KETIKA SOLAT QADHA'



KEADAAN SUARA KETIKA SOLAT QADHA'


Dalam solat qadha', sunat menguatkan suara atau tidak, harus melihat kepada bila atau waktu diqadha'kan. Jika dilaksanakan pada waktu malam, maka sunat menguatkan suara, walaupun qadha' solat Zuhur dan begitulah sebaliknya.



Nota Ringkas

Keadaan suara ketika qadha' mengikut waktu bila solat diqadha'kan

TENTANG NIAT SOLAT QADHA'



Niat qadha' solat adalah berniat di dalam hati untuk mengganti solat fardhu yang telah ditinggalkan. Niat ini dilakukan bertepatan bersama takbiratul ihram pada permulaan solat.

Niat ini penting untuk menentukan solat tersebut sebagai ganti bagi solat fardhu yang tidak dapat dilaksanakan pada waktunya.



TENTANG NIAT SOLAT QADHA'

Secara umumnya, tingkatan niat dalam solat terbahagi kepada empat pecahan. Ia seperti yang dinyatakan oleh al-Bujairimi [9] :

• Tingkatan pertama : Istihdar Haqqi (استحضار الحقيقى)

- Iaitu menghadirkan niat pada keseluruhan rukun solat secara terperinci.

• Tingkatan kedua :

• Muqaranah Haqqiqiyah (مقارنة حقيقة)

- Iaitu menyertakan niat pada permulaan lafadz takbir sehingga pengakhiran lafadznya.

• Tingkatan ketiga : Istihdar 'Urfi (استحضار العرفى)

- Iaitu menghadirkan niat pada rukun-rukun solat secara umum sahaja.

• Tingkatan keempat :

• Muqaranah 'Urfiyyah (مقارنة العرفية)

- Iaitu menyertakan niat pada sebahagian takbir sama ada pada permulaan, pertengahan atau pengakhiran takbir.



Orang yang solat, wajib menyertakan niat ketika takbiratul ihram dan solatnya dikira tidak sah sekiranya tertinggal lafaz niat berkenaan. Niat ketika takbir perlu disertakan pada permulaan lafaz takbir dan berkekalan sehingga akhir lafaz.

Walau bagaimanapun, memadai bagi masyarakat awam untuk menyertakan niat sama ada pada permulaan, pertengahan atau pengakhiran takbir, dalam keadaan mereka berusaha dan tidak lalai daripada mengingatinya.





TENTANG NIAT SOLAT QADHA'

Usolli Fardhos-Subhi Rak'ataini Qadaan Lillahi Ta'ala

Sahaja aku Solat fardhu Subuh dua rakaat qadha' kerana
Allah Ta'ala

Usolli Fardhoz-Zuhri Arba'a Raka'atin Qadaan Lillahi Ta'ala

Sahaja aku solat fardhu Zuhur empat rakaat qadha' kerana
Allah Ta'ala

Usolli Fardhol Asri Arba'a Raka'atin Qadaan Lillahi Ta'ala

Sahaja aku solat fardhu Asar empat rakaat qadha' kerana
Allah Ta'ala

Usolli Fardhol Maghribi Salasa Raka'atin Qadaan Lillahi Ta'ala

Sahaja aku solat fardhu Maghrib tiga rakaat qadha' kerana
Allah Ta'ala

Usolli Fardhol Isya'i Arba'a Raka'atin Qadaan Lillahi Ta'ala

Sahaja aku solat fardhu Isyak empat rakaat qadha' kerana
Allah Ta'ala



Adalah penting untuk mempertimbangkan masalah-masalah yang berkaitan dengan niat solat dalam memastikan solat kita diterima dan sah. Pelbagai masalah umum sering dihadapi berkaitan dengan niat solat.





Berikut adalah beberapa **masalah umum** yang sering dihadapi berkaitan dengan niat solat:

Kurang Memahami Niat

Ada sesetengah orang yang tidak memahami sepenuhnya apa itu niat solat dan bagaimana cara melakukannya dengan betul. **Niat** adalah satu keyakinan dalam hati tentang pelaksanaan solat, dan ia perlu dilakukan ketika takbirotul ihram.

Niat Tidak Jelas

Niat solat tidak cukup jelas atau spesifik. Niat yang tidak jelas atau terlalu umum boleh menyebabkan keraguan tentang sahnya solat. Contohnya, **niat yang terlalu umum seperti "saya solat" tanpa menyebut jenis solat (contohnya, solat Subuh)** boleh menimbulkan masalah.

Niat Hanya Pada Lisan

Melafazkan niat secara lisan tanpa benar-benar memikirkan atau menumpukan hati pada niat tersebut. **Niat sepatutnya dilakukan dalam hati dengan penuh keikhlasan dan kesedaran, bukan hanya lafaz di mulut sahaja.**



Niat Selepas Takbiratul Ihram

Niat solat harus dilakukan ketika takbiratul ihram (takbir permulaan solat). Jika seseorang hanya berniat selepas takbiratul ihram, solat mereka tidak sah. Niat perlu dilakukan ketika memulakan solat dan di dalam hati dan disunatkan untuk melafazkannya bagi yang mampu.

Kekeliruan Mengenai Jenis Solat

Seseorang mungkin keliru tentang jenis solat yang mereka laksanakan, terutamanya dalam situasi bilamana mereka mungkin menggabungkan antara solat fardhu dan solat sunat. **Pastikan niat untuk solat tertentu adalah jelas dan spesifik.**

Tidak Fokus

Niat solat perlu dilakukan dengan penuh konsentrasi dan perhatian. Jika seseorang tidak fokus atau terganggu semasa berniat, ia boleh menjelaskan keabsahan solat mereka.



Niat Tidak Mengikut Waktu

Niat solat perlu dilakukan dalam tempoh waktu solat yang sah. Melakukan niat di luar waktu solat yang ditentukan boleh menyebabkan solat tidak diterima.

Niat Solat Tidak Konsisten

Dalam situasi seseorang melakukan solat secara berjemaah, niat perlu diselaraskan dengan imam. Jika ada perbezaan dalam niat antara makmum dan imam, ini boleh menimbulkan kekeliruan dan masalah dalam solat.

Mengatasi masalah-masalah ini memerlukan pemahaman yang mendalam tentang cara niat yang betul dan amalan yang konsisten dalam melaksanakannya. Sentiasa pastikan niat dilakukan dengan penuh kesedaran dan keikhlasan untuk memastikan solat kita diterima oleh Allah.



BAB-2

HUKUMAN BAGI ORANG YANG MENINGGALKAN SOLAT

- Hukuman Bagi Orang Yang Meninggalkan Solat
- Seksaan Semasa Di Dunia
- Seksaan Semasa Hendak Mati
- Seksaan Semasa Dalam Kubur
- Seksaan Semasa Hari Kiamat

HUKUMAN BAGI ORANG YANG MENINGGALKAN SOLAT



أَوْلُ مَا يُحَاسِبُ بِهِ الْعَبْدُ يَوْمَ الْقِيَامَةِ الصَّلَاةُ، فَإِنْ صَلَحْتْ صَلَحَ لَهُ
سَائِرُ عَمَلِهِ، وَإِنْ فَسَدَتْ فَسَدَ سَائِرُ عَمَلِهِ

Maksudnya: “Sesungguhnya amalan yang mula dihisab atas seseorang hamba pada hari kiamat adalah solat. Sekiranya baik solatnya maka baik segala amalannya, sekiranya buruk solatnya maka buruk segala amalannya.”

HR Imam
ath-Thabrani (1859)



HUKUMAN BAGI ORANG YANG MENINGGALKAN SOLAT

Ketika menghabarkan kepada para penghuni neraka Jahim, Allah SWT berfirman;

مَا سَلَكْتُمْ فِي سَقَرَ (42) قَالُوا لَمْ نَكُ مِنَ الْمُصَلِّينَ (43) وَلَمْ
نَكُ نُطْعِمُ الْمِسْكِينَ (44) وَكُنَّا نَحْوُضُ مَعَ الْحَائِضِينَ (45)

Maksudnya: (Setelah melihat orang-orang yang bersalah itu, mereka berkata): "Apakah yang menyebabkan kamu masuk ke dalam (neraka) Saqar?" Orang-orang yang bersalah itu menjawab: "Kami tidak termasuk dalam kumpulan orang-orang yang mengerjakan sembahyang dan kami tidak pernah memberi makan orang-orang miskin; Dan kami dahulu selalu mengambil bahagian memperkatakan perkara yang salah, bersama-sama orang-orang yang memperkatakannya."

**Surah Muddaththir,
42 - 45**



Imam Ahmad meriwayatkan, “(Batas) antara seseorang dengan kekufuran adalah meninggalkan solat.” Saidina Ubadah ibn ash-Shamit r.a. berkata: “Kekasihku (Muhammad SAW berwasiat kepadaku akan tujuh perkara. Di antaranya:

- Janganlah kamu menyekutukan Allah SWT dengan sesuatu apa pun walaupun kamu dipenggal, dibakar atau disalib;
- Janganlah kamu tinggalkan solat dengan sengaja. Barangsiapa meninggalkannya dengan sengaja, bererti dia telah keluar dari pada agama ini;



HUKUMAN BAGI ORANG YANG MENINGGALKAN SOLAT

- Janganlah kamu mengerjakan kemaksiatan kerana hal itu merupakan kemurkaan Allah SWT;
- Janganlah kamu meminum arak kerana ia merupakan punca segala perbuatan dosa;
- Tidak ada keimanan bagi orang yang tidak amanah. Tidak ada solat bagi orang yang tidak bersuci;

Tidak ada agama bagi orang yang tidak solat. Sesungguhnya kedudukan solat dalam agama seperti kedudukan kepala terhadap tubuh;

- Janganlah engkau meninggalkan solat wajib dengan sengaja. Barang siapa yang meninggalkannya, ia telah melepaskan diri daripada jaminan Allah SWT;
- Janganlah meminum arak kerana ia kunci segala kejahanatan.

Saidina Ibn Mas'ud berkata, "Makna adha'uba bukan meninggalkan secara keseluruhan, melainkan mengakhirkan waktunya." Sedangkan Saidina Sa'id ibn al-Musayyab berkata: "Maksudnya adalah tidak solat Zuhur hingga tiba waktu Asar; tidak solat Asar hingga tiba waktu Maghrib;



HUKUMAN BAGI ORANG YANG MENINGGALKAN SOLAT

Tidak solat Maghrib hingga tiba waktu Isyak; tidak solat Isyak hingga tiba waktu Subuh dan tidak solat Subuh hingga terbit matahari.”

Jadi, barangsiapa yang mati sementara ia masih tetap melakukan hal itu dan tidak bertaubat, Allah SWT menjanjikan baginya baghy iaitu sebuah jurang yang curam dan keras seksaannya di dalam neraka Jahanam.

Firman Allah SWT:

يَا أَيُّهَا الَّذِينَ ءامَنُوا لَا تُلْهِكُمْ أَمْوَالُكُمْ وَلَا أَوْلَادُكُمْ عَن ذِكْرِ اللَّهِ
وَمَن يَفْعَلْ ذَلِكَ فَأُولَئِكَ هُمُ الْخَاسِرُونَ (9)

Maksudnya: “Wahai orang-orang yang beriman! Janganlah kamu dilalaikan oleh (urusan) harta benda kamu dan anak-pinak kamu daripada mengingati Allah (dengan menjalankan perintahNya). Dan (ingatlah), sesiapa yang melakukan demikian, maka mereka itulah orang-orang yang rugi.”

Surah Al-Munafiqun: 9



HUKUMAN BAGI ORANG YANG MENINGGALKAN SOLAT

Jumhur ahli tafsir mengatakan, "Yang dimaksudkan dengan zikir kepada Allah SWT adalah solat lima waktu. Barang siapa yang dilalaikan oleh hartanya seperti perdagangan, pekerjaan atau anak, daripada solat pada waktunya, ia termasuk orang-orang yang rugi."

Oleh kerana itu, Nabi Muhammad SAW bersabda:

"Yang pertama dihisab daripada amalan hamba pada hari kiamat adalah solatnya. Jika solatnya baik, ia beruntung dan selamat. Akan tetapi, jika solatnya kurang, ia rugi."





Firman Allah SWT:

فَوَيْلٌ لِّلْمُصَلِّينَ (4) الَّذِينَ هُمْ عَنْ صَلَاتِهِمْ سَاهُونَ (5)

Maksudnya: "(Kalau orang yang demikian dikira dari bilangan orang-orang yang mendustakan agama), maka kecelakaan besar bagi orang-orang ahli sembahyang. (laitu) mereka yang berkeadaan lalai daripada menyempurnakan sembahyangnya."

Surah Al-Ma'un: 4-5

Nabi Muhammad SAW bersabda:

"Barang siapa memeliharanya, baginya cahaya, burhan dan keselamatan pada hari kiamat. Akan tetapi, barang siapa yang tidak memeliharanya, ia tidak akan mendapat cahaya, burhan dan keselamatan. Pada hari kiamat ia tinggal bersama Qarun, Fir'aun, Haman, Ubay ibn Khalaf."

**HR Imam ath-Tabarani &
ibn Hibban**



SEKSAAN SEMASA DI DUNIA



Enam (6) Seksaan Semasa Di Dunia

1

Umur tidak diberkati, usia panjang tetapi kosong daripada amalan kebajikan.

2

Rezeki tidak diberkati

3

Dihilangkan tanda orang soleh di wajahnya

4

Tidak mendapat bahagian doa orang-orang yang soleh

5

Amalan tidak diterima Allah SWT

6

Tidak diangkat doanya, doanya tidak dimakbulkan oleh Allah SWT



SEKSAAN SEMASA HENDAK MATI



Tiga (3) Seksaan Semasa Hendak Mati

1

Mati dalam keadaan yang sangat lapar

2

Mati dalam keadaan dahaga walaupun
diberi minum sebanyak air laut

3

Mati dalam keadaan hina dan tidak
dapat mengucap dua kalimah syahadah

SEKSAAN SEMASA DALAM KUBUR



Tiga (3) Seksaan Semasa Dalam Kubur

1

Allah SWT menyempitkan kuburnya sehingga berlaga tulang rusuk kanan dan kiri

2

Dibukakan salah satu pintu neraka di dalam kuburnya

3

Allah SWT mewakilkan seorang malaikat untuk menyiksanya sehingga hari kiamat bersama seekor ular bernama Suju'al Akruk



*Mata ular Suju'al Akruk dari neraka, kukunya dari besi neraka, dan panjang kukunya sehari perjalanan serta suaranya seperti petir

SEKSAAN SEMASA HARI KIAMAT



Seksaan Semasa Hari Kiamat

Turunnya malaikat dari langit iaitu malaikat Azab dengan rantai dari api neraka yang panjangnya 70 hasta dengan menusukkan rantai tersebut ke dalam mulut orang yang meninggalkan solat hingga keluar rantai itu melalui duburnya dan menghela sekali di bahagian muka dan belakangnya.





Orang dewasa bertanggungjawab untuk memperkenalkan anak-anak kepada kewajipan solat sejak mereka kecil. Mengajarkan kepentingan solat sebagai salah satu rukun Islam adalah langkah awal yang penting dalam membentuk kesedaran dan tabiat solat pada anak-anak.

- ➡ Orang dewasa perlu menjadi contoh yang baik dengan melaksanakan solat secara konsisten.
- ➡ Konsisten dalam mengingatkan tentang waktu solat dan kepentingannya adalah sangat dituntut
- ➡ Mengajarkan tentang kewajipan qadha' solat jika mereka terlewat adalah bahagian penting dalam pendidikan solat
- ➡ Mencipta persekitaran yang menyokong dengan menetapkan waktu solat sebagai sebahagian daripada rutin harian.



Firman Allah SWT:

يَأَيُّهَا الَّذِينَ ءامَنُوا قُوْا أَنفُسَكُمْ وَأَهْلِيْكُمْ نَارًا وَقُوْدُهَا النَّاسُ
وَالْحِجَارَةُ عَلَيْهَا مَلَائِكَةٌ غِلَاظٌ شَدَادٌ لَا يَعْصُوْنَ اللَّهَ مَا أَمْرَهُمْ
وَيَفْعَلُونَ مَا يُؤْمِرُوْنَ (9)

Maksudnya: "Wahai orang-orang yang beriman! Peliharalah diri kamu dan keluarga kamu dari neraka yang bahan-bahan bakarannya: manusia dan batu (berhala); neraka itu dijaga dan dikawal oleh malaikat-malaikat yang keras kasar (layanannya); mereka tidak menderhaka kepada Allah dalam segala yang diperintahkan-Nya kepada mereka, dan mereka pula tetap melakukan segala yang diperintahkan."

Surah Al-Tahrim: 9



BAB-3

JENIS-JENIS SOLAT QADHA'

- **Qadha' Solat Bagi Orang Kafir Masuk Islam Dan Orang Murtad**
- **Qadha' Solat Qasar Ketika Musafir**
- **Qadha' Solat fardhu Secara Berjemaah**
- **Qadha' Solat Tahajjud**
- **Qadha' Solat Selepas Subuh Atau Asar**
- **Qadha' Solat Kerana Tersilap Dugaan**
- **Qadha' Solat Sunat Mu'aqqatah**
- **Qadha' Untuk Orang Yang Minum Arak**
- **Qadha' Solat Orang Yang Dibius**
- **Qadha' Solat Perempuan Yang Sengaja Menggugurkan Kandungan**
- **Qadha' Solat Bagi Orang Sakit Yang Tidak Sedarkan Diri Kemudian Meninggal**

ORANG KAFIR MASUK ISLAM & ORANG MURTAD



Orang kafir yang masuk Islam tidak wajib mengqadha' solat. Orang murtad wajib mengqadha' solat yang ditinggalkan semasa murtad apabila dia kembali semula kepada Islam.

Imam Syafi'i mengatakan, "Dia wajib mengqadha' solat yang dia tinggalkan (ketika dia murtad)."

Nota Ringkas

Mualaf tidak wajib qadha' solat yang ditinggalkan sewaktu masih kafir

QADHA' SOLAT QASAR KETIKA MUSAFIR



Sebagai contoh, seseorang terlepas solat Zuhur (habis tempoh waktunya) dalam perjalanan, dia boleh mengqadha'kannya secara qasar juga, jika dia masih dalam perjalanan.

Namun jika sudah sampai di kampung halamannya, dia tidak boleh mengqadha'kannya secara qasar. Dia wajib menqadha'kannya secara tamam (sempurna) dengan empat (4) rakaat.





Samalah juga keadaan, jika ketika berada di rumahnya, dia terlepas solat Zuhur (habis tempoh waktu nya). Ketika dalam perjalanan, dia tidak boleh mengqadha'kannya secara qasar. Dia wajib menqadha'kannya secara tamam (sempurna) dengan empat (4) rakaat.

Solat yang ditinggalkan dalam masa musafir, tidak boleh diqadha' dalam masa bermukim dengan diqasarkan.

Samalah juga dengan solat yang ditinggalkan dalam masa bermukim, maka tidak boleh diqadha' dalam masa musafir dengan diqasarkan.



Nota Ringkas

Qadha' solat qasar
ketika musafir
berdasarkan keadaan
tertentu



QADHA' SOLAT FARDHU SECARA BERJEMAAH



Ijma' ulama mengatakan, dibolehkan qadha' solat fardhu secara berjemaah.



Nota Ringkas

Qadha' solat fardhu berjemaah dibolehkan

QADHA' SOLAT TAHAJJUD



Dbolehkan (disunatkan) mengqadha' solat Tahajjud yang selalu dilakukan.

Nota Ringkas

Qadha' solat Tahajjud yang sering dilakukan adalah dibenarkan (perkara sunat yang tertinggal disunatkan ganti)

QADHA' SOLAT SELEPAS SUBUH ATAU ASAR



**Khilaf ulama berkenaan mengqadha' solat fardhu
selepas solat Subuh atau Asar dalam waktu
makruh tahrim:**

Imam Syubramallisi:

BOLEH

Nota Ringkas

Dbolehkan Qadha' solat
pada waktu tahrim.

QADHA' SOLAT KERANA TERSILAP DUGAAN



Solat yang dilakukan kerana tersilap dalam dugaannya wajib diqadha' contohnya seseorang yang solat dalam keadaan takut (شدة الخوف) kerana menyangka ada musuh, tetapi sebenarnya sangkaannya itu salah.



Nota Ringkas

Boleh qadha' solat jika tersilap dugaan dalam sesuatu keadaan

QADHA' SOLAT SUNAT MU'AQQATAH (BERWAKTU)



Jika seseorang terlepas mengerjakan solat sunat Mu'aqqatah seperti solat sunat Rawatib (bukan solat sunat yang mempunyai sebab seperti solat sunat Tahiyyatul Masjid, solat sunat Gerhana dan solat sunat minta hujan), maka disunatkan baginya untuk mengqadha'nya.



Daripada Saidina Ibnu Umar R.A.:

صَلَّيْتُ مَعَ رَسُولِ اللَّهِ صَلَّى اللَّهُ عَلَيْهِ وَسَلَّمَ رَكْعَتَيْنِ قَبْلَ الظَّهَرِ
وَرَكْعَتَيْنِ بَعْدَ الظَّهَرِ وَرَكْعَتَيْنِ بَعْدَ الْجُمُعَةِ وَرَكْعَتَيْنِ بَعْدَ الْمُغْرِبِ
وَرَكْعَتَيْنِ بَعْدَ الْعِشَاءِ

Maksudnya: "Aku solat bersama Rasulullah SAW dua rakaat sebelum Zuhur, dua rakaat selepasnya, dua rakaat selepas Jumaat, dua rakaat selepas Maghrib dan dua rakaat selepas Isyak."

HR Imam Bukhari (1165)

Nota Ringkas

Hukum mengerjakan
solat sunat mu'aqqatah
adalah sunat



QADHA' UNTUK ORANG YANG MINUM ARAK



Orang yang tidak solat kerana hilang akal atau pengsan yang disebabkan oleh sesuatu yang haram seperti minum arak dan lain-lain, wajib ke atasnya mengqadha' dengan segera solat yang ditinggalkannya.

Nota Ringkas

Wajib qadha' solat jika hilang akal atau pengsan oleh sesuatu yg haram

QADHA' SOLAT ORANG YANG DIBIUS



Pesakit yang dibius sebelum dibedah supaya tidak sedarkan diri, **tidak wajib mengqadha' solat yang ditinggalkan akibat bius tersebut** kerana bius yang menyebabkan hilangnya akal dalam perubatan hukumnya dibolehkan.

Tidak wajib diqadha' kerana hilangnya akal (maksudnya tidak sedar tadi) **bukan disebabkan oleh sesuatu yang haram**.



Nota Ringkas

Tidak wajib qadha' jika dibius di hospital

QADHA' WANITA YANG MENGGUGURKAN KANDUNGAN



Solat yang ditinggalkan seorang perempuan pada ketika keluar darah nifas setelah menggugurkan kandungannya tidak wajib diqadha' kerana nifas atau haid merupakan 'azimah walaupun keluarnya darah ada unsur maksiat.

Nota Ringkas

Tidak wajib qadha' jika nifas akibat gugurkan kandungan sendiri

SAKIT KEMUDIAN MENINGGAL DUNIA



Orang sakit yang tidak sedar sama sekali, tidak wajib mengerjakan solat atau ibadah lain. Apabila dia meninggal, tidak wajib diqadha' atau dibayar dengan mud.



Nota Ringkas

Tidak perlu qadha' solat bagi orang yang sakit tidak sedarkan diri kemudian meninggal



BAB-4

CARA-CARA QADHA' SOLAT

- Tertib Qadha' Solat
- Qadha' Solat Secara Berturut-Turut
- Menguatkan Bacaan Solat Kerana Dipengaruhi Waktu
- Azan Dan Iqamat Untuk Solat Qadha'
- Solat Dalam Keadaan Waktu Yang Tidak Mencukupi
- Keadaan Solat Orang Yang Bertampal
- Bacaan Qunut Untuk Solat Subuh
- Mengqadha'kan Solat Orang Yang Telah Meninggal Dunia
- Qadha' Solat fardhu Dalam Solat Tarawih
- Hukum Qadha' Solat Sunat

TERTIB QADHA' SOLAT



Sunat melakukan secara tertib atau qadha' secara berturutan iaitu mengqadha'kan solat Subuh dahulu, diikuti dengan Zuhur, Asar, Maghrib, dan Isyak, kemudian Subuh lagi dan seterusnya.





Mengikut ulama mazhab Syafi'i, sunat mengqadha' solat secara berturutan (seperti Subuh dahulu, kemudian Zuhur, Asar dan seterusnya) dan sunat juga mengqadha'kan dengan mendahulukan solat yang telah lalu (dahulu) ke atas solat yang hadir (sekarang) dengan syarat:

SYARAT 1

Tidak bimbang waktu sekarang akan habis sehingga tidak sempat mengerjakan 1 rakaat solat sekarang.

SYARAT 2

Ingin dengan solat yang ditinggalkan sebelum masuk waktu solat sekarang.

Nota Ringkas

Sunat untuk qadha' solat secara berturutan

QADHA' SOLAT SECARA BERTURUT-TURUT



QADHA' SOLAT SECARA BERTURUT-TURUT

QADHA' SOLAT MENGIKUT URUTAN

Jika seseorang meninggalkan beberapa solat fardhu dengan tidak sengaja, maka sunat baginya untuk mengqadha' solat secara berturut-turut. Sebagai contoh, meninggalkan solat Zuhur, Asar, Maghrib, maka cara mengqadha'nya adalah disunatkan untuk mendahulukan solat Zuhur, solat Asar, kemudian solat Maghrib. Walau bagaimanapun, boleh juga dilakukan tanpa tertib.

Dari Saidina Ibnu Umar R.A.:

إِنَّ الْمُشْرِكِينَ شَغَلُوا النَّبِيَّ صَلَّى اللَّهُ عَلَيْهِ وَسَلَّمَ عَنْ أَرْبَعٍ
صَلَوَاتٍ يَوْمَ الْخَنْدَقِ فَأَمَرَ بِالْأَذْانِ، ثُمَّ أَقَامَ فَصَلَّى الظَّهَرَ، ثُمَّ
أَقَامَ فَصَلَّى الْعَصْرَ، ثُمَّ أَقَامَ فَصَلَّى الْمَغْرِبِ، ثُمَّ أَقَامَ فَصَلَّى الْعِشَاءَ

Maksudnya: "Sesungguhnya orang musyrikin mengganggu (berperang) Nabi SAW (sehingga tertinggal) empat waktu solat ketika peperangan al-Khandak. Maka Nabi SAW memerintahkan Bilal (untuk azan) lalu beliau azan. Kemudian beliau bangun (iqamah) dan solat (ganti) Zuhur, kemudian bangun untuk solat Asar, kemudian bangun untuk solat Maghrib, kemudian bangun untuk solat Isyak."

**HR Imam An-Nasa'i
(662)**

Nota Ringkas

Qadha' solat boleh juga dilakukan tanpa mengikut urutan

MENGUATKAN BACAAN DALAM SOLAT QADHA'



Ulama Syafi'iyyah berpendapat yang dipandang adalah waktu yang digunakan bagi mengqadha'kan solat, sama ada solat sir(bacaan perlahan) atau jahar(bacaan kuat). Sesiapa yang melaksanakan solat Zuhur diqadha'kan pada waktu malam, maka hendaklah dia menguatkan bacaannya (pada dua (2) rakaat pertama) dan sesiapa yang mengqadha'kan solat Maghrib pada waktu siang, maka tidak perlu menguatkan bacaannya (pada dua (2) rakaat pertama).



Nota Ringkas


kekuatan bacaan
berdasarkan waktu yang
digunakan untuk qadha

AZAN DAN IQAMAT UNTUK SOLAT QADHA'




AZAN DAN IQAMAT UNTUK SOLAT QADHA'

Disunatkan azan dan iqamat untuk solat fardhu walaupun qadha' termasuklah solat-solat yang dilakukan secara berasingan iaitu tidak berturut-turut atau terdapat jarak waktu sekurang-kurangnya dua (2) rakaat solat di antara solat-solat yang hendak dilakukan itu.



Nota Ringkas

Sunat hukumnya untuk azan dan iqamat semasa qadha' solat



SOLAT DALAM KEADAAN WAKTU YANG TIDAK MENCUKUPI



SOLAT DALAM KEADAAN WAKTU YANG TIDAK MENCUKUPI

Jika seseorang mahu melakukan beberapa solat, akan tetapi waktunya tidak mencukupi untuk keseluruhannya, maka wajib baginya untuk mendahulukan:

1

Solat fardhu 'ain



2 Solat Jenazah kecuali jika khuatir akan terjadi perubahan pada badan jenazah, maka wajib mendahulukan solat jenazah daripada solat fardhu walaupun solat Jumaat



Solat Aidilfitri atau Aidiladha



Solat Kusuf (Gerhana)

SOLAT DALAM KEADAAN WAKTU YANG TIDAK MENCUKUPI




Jika terdapat waktu yang cukup untuk keseluruhan solat tersebut, maka yang lebih utama adalah mengutamakan solat Jenazah, kemudian solat Kusuf, solat fardhu, dan solat Aidilfitri atau Aidiladha tetapi dianjurkan untuk menunda khutbah untuk solat Kusuf setelah melakukan solat fardhu.

Nota Ringkas

Solat dalam keadaan tidak cukup waktu wajib dahlulukan yang paling wajib

KEADAAN SOLAT ORANG YANG BERTAMPAL



1. Tiga (3) keadaan wajib diulang semula solat apabila sudah sembah:

- Sekiranya tampalan itu pada anggota tayamum
- Sekiranya tampalan itu bukan pada anggota tayamum tetapi pada anggota wuduk dan banyak bahagian anggota yang sihat/tidak luka di bawah tampalan itu lebih daripada kadar yang dikehendaki, sama ada tampalan itu diletakkan semasa dia dalam keadaan suci atau berhadas
- Sekiranya tampalan itu bukan pada anggota tayamum tetapi pada anggota wuduk dan bahagian anggota yang baik di bawah tampalan itu sekadar yang dikehendaki dan tampalan itu diletakkan semasa dia dalam keadaan berhadas.



KEADAAN SOLAT ORANG YANG BERTAMPAL

2. Dua (2) keadaan yang tidak wajib untuk diulang semula solat:

Sekiranya tampalan itu bukan pada anggota tayamum tetapi pada anggota wuduk dan tampalan itu tidak melibatkan sebarang bahagian anggota anggota yang sihat/tidak luka, sama ada tampalan itu diletakkan semasa dia dalam keadaan suci atau berhadas.


Sekiranya tampalan itu bukan pada anggota tayamum tetapi pada anggota wuduk dan tampalan itu hanya melibatkan anggota baik sekadar yang dikehendaki dan tampalan itu diletakkan semasa dia dalam keadaan suci.

BACAAN QUNUT UNTUK QADHA' SOLAT SUBUH



Jika seseorang mengqadha' solat Subuh, adakah disunatkan membaca doa qunut?

Ya, sunat baginya perkara itu (iaitu membaca doa qunut). Wallahu a'lam.



Nota Ringkas

Sunat untuk membaca doa qunut ketika qadha' solat subuh

QADHA' SOLAT ORANG YANG TELAH MENINGGAL



MENGQADHA' SOLAT ORANG YANG TELAH MENINGGAL DUNIA

1

Majoriti Syafiyyah mengatakan orang yang meninggal dunia dalam keadaan ada hutang solat, tidak wajib qadha' dan tidak harus membayar fidyah kerana tidak ada keterangan daripada hadis tentang perkara itu.

2

Menurut satu pendapat Mujtahid, wajib qadha' sama ada si mati berwasiat atau tidak.





MENGQADHA'KAN SOLAT ORANG YANG TELAH MENINGGAL DUNIA

Orang yang meninggal dalam keadaan mempunyai hutang iktikaf, ada pendapat yang mewajibkan mengqadha'nya seperti puasa.

Dalam *Fath al-Mu'in*, Imam Zainuddin al-Malibari mengatakan:

"Orang yang sudah meninggal dan memiliki tanggungan solat wajib tidak diwajibkan qadha' dan tidak pula perlu membayar fidyah. Menurut satu pendapat, dianjurkan qadha', sama ada diwasiatkan mahupun tidak sepetimana yang diceritakan oleh Al-'Ubbadi daripada Asy-Syafii kerana ada hadis mengenai persoalan ini. Bahkan, As-Subki melakukan (qadha' solat) untuk sebahagian kaum kerabatnya."

Tidak terdapat hadis yang secara tegas menunjukkan boleh qadha' solat. Ulama' yang membolehkan perkara ini berdalilkan hadis kewajipan qadha' puasa bagi ahli waris.

Mengqadha' solat ini disandarkan kepada hukum ganti puasa kerana kedua-duanya sama-sama ibadah badaniyyah (ibadah fizikal). Dalam *Syarh Shahih Muslim*, Imam Nawawi juga menghuraikan perdebatan ulama berkaitan perkara ini.



1

Jika semasa hayat si mati kadang-kadang mengerjakan solat dan kadang-kadang tidak mengerjakan solat, maka hendaklah qadha' solat yang tidak yakin dikerjakan sebagaimana pendapat Al-Qadhi Husain.

2

Jika semasa hayat si mati jarang meninggalkan solat, maka qadha' solat yang yakin ditinggalkan sebagaimana pendapat Imam Nawawi.



Jika semasa hayat si mati meremeh-remehkan solat sehingga mengingkari kewajipan solat, maka haram mengqadha'kan untuknya kerana dia dianggap meninggal dunia dalam keadaan murtad.

Jika hanya malas, maka para ulama khilaf:

1 Tidak boleh

1 Sunat

Tidak boleh mengqadha'kan solat orang yang telah meninggal dunia. Namun menurut sebahagian ulama, boleh mengqadha'kan solat orang yang telah meninggal dunia.





MENGQADHA'KAN SOLAT ORANG YANG TELAH MENINGGAL DUNIA

Qadha' solat untuk orang yang sudah meninggal dunia boleh dikerjakan oleh kerabat si mati.

Ahli waris boleh mengqadha'kan solat si mati yang ditinggalkan dengan sengaja kerana mayat masih memiliki tanggungan solat. Mengenai siapakah yang boleh mengqadha'kannya, berlaku khilaf. Menurut pendapat yang arjah (lebih unggul) adalah kaum kerabatnya.

Apabila meminta orang lain untuk mengqadha'kannya, adalah dibenarkan mengikut sebahagian pendapat kerana ia sama dengan permasalahan haji.



QADHA' SOLAT FARDHU DALAM TARAWIH



Seseorang yang solat qadha' ketika bermakmum solat Tarawih hukumnya sah tetapi hendaklah berniat qadha' sahaja dan menjadi makmum solat Tarawih.

Jika dia menggabungkan kedua-dua niat qadha' dan solat Tarawih, maka solatnya tidak sah.

Dia tidak mendapat pahala qiyam Ramadan tetapi mendapat pahala mengerjakan solat fardhu.

Sebaiknya, seseorang itu memanfaatkan masanya dengan mengqadha' solatnya semasa orang lain sedang berjemaah melakukan solat sunat terawih.



Nota Ringkas

Boleh qadha' Tarawih tapi dengan niat qadha' sahaja

HUKUM QADHA' SOLAT SUNAT



Daripada Sayyidina Ibnu Abbas:

أَنَّ النَّبِيَّ صَلَّى اللَّهُ عَلَيْهِ وَسَلَّمَ كَانَ إِذَا لَمْ يُصَلِّ أَرْبَعًا قَبْلَ الظُّهُرِ صَلَّاهُنَّ بَعْدَهُ

Maksudnya: “Hadis menunjukkan Rasulullah mengqadha'kan solat-solat sunat empat (4) rakaat sebelum Zuhur setelah solat fardhu Zuhur.”

HR Imam Tirmizi (426)





Syaikh Al-Mubarakfuri dalam kitab *Tuhfah al-Ahwazi* (2/412) menjelaskan bahawa hadis di atas merupakan dalil sunat menjaga solat sunat, walaupun dengan menqadha'kannya.

Imam Al-Baghawi menyebutkan boleh mengqadha' solat-solat yang ditinggalkan, sama ada solat fardhu ataupun solat sunat selepas Subuh dan sesudah Asar. (Syarh as-Sunnah, Imam Al-Baghawi, 3/335)

Imam Nawawi dalam *Al-Majmu'* (4/43) juga menjelaskan sunat mengqadha' solat sunat Rawatib yang ditinggalkan.

Nota Ringkas


Qadha' solat sunat boleh dilakukan



BAB-5

UZUR, HAID & SOLAT QADHA'

- Solat Yang Wajib Dan Yang Tidak Wajib Diqadha'
- Cara Qadha' Solat Yang Ditinggalkan Kerana Uzur Syar'i
- Cara Qadha' Solat Yang Ditinggalkan Kerana Bukan Uzur Syar'i
- Keadaan Qadha' Solat Kerana Uzur
- Perincian Hukum Dalam Mempercepatkan Qadha' Solat
- Belum Qadha' Solat Tetapi Solat Sunat
- Melambat-Lambatkan Solat Sehingga Datang Haid
- Berhenti Dari Haid/Gila/Dirasuk Dalam Waktu Takbiratul Ihram
- Qadha' Bagi Wanita Yang Sedang Haid Dan Nifas




SOLAT YANG WAJIB DIQADHA' DAN YANG TIDAK WAJIB DIQADHA'



BATAS UMUM UNTUK SOLAT QADHA

Batas umum untuk solat yang wajib diqadha' dan yang tidak wajib diqadha' ialah solat yang telah dikerjakan dengan sebuah keuzuran yang terus menerus seperti mustahadhab atau penyakit salis (selalu kencing atau keluar angin), maka solatnya tidak wajib diqadha' ini kerana masih wajib solat dalam keadaan sedemikian dengan syarat-syarat yan tertentu.

Apabila keuzurannya tidak terus menerus dan keuzurannya tersebut tidak ada gantinya seperti seseorang yang tidak menjumpai air dan debu, maka dia wajib mengqadha'kan solatnya walaupun sudah melakukan solat hormat waktu.



Nota Ringkas

Tidak wajib qadha' solat bagi orang yang uzur terus menerus

CARA QADHA' SOLAT YANG DITINGGALKAN KERANA UZUR SYAR'I



CARA QADHA' SOLAT JIKA UZUR SYAR'I



1

Dianjurkan untuk segera dilakukan.



2

Dianjurkan untuk melakukannya secara berturutan iaitu qadha' solat Zuhur sebelum Asar.



3

Dianjurkan untuk mendahulukan solat yang hendak diqadha' daripada solat yang masih ada waktu (selama waktu solat tersebut tidak terlalu hampir).

CARA QADHA' SOLAT YANG DITINGGALKAN KERANA BUKAN UZUR SYAR'I



CARA QADHA' SOLAT JIKA BUKAN UZUR SYAR'I

Terdapat tiga (3) sudut yang perlu dipertimbangkan:



1

Dari segi waktu dan apa yang dilakukan ketika mengqadha'kannya:

- *Mengikut Imam Ibnu Hajar al-Haitami:*

Wajib mengqadha'kannya dengan segera dengan meluangkan seluruh waktu selain waktu yang perlu untuk perkara lain seperti makan, berehat, bekerja dan lain-lain.

- *Mengikut Habib Abdullah al-Haddad:*

Tidak wajib mengqadha'kannya dengan segera dan semestinya meluangkan seluruh waktu untuk qadha'. Yang penting tidak ada unsur tasahhul (meringan-ringankan kewajipan qadha' solatnya).



2

Dari segi urutan solat yang diqadha':

- *Mengikut Imam Ar-Ramli:*

Disunatkan untuk mengikut tertib sesuai dengan urutan qadha' solat secara mutlak

- *Mengikut Imam Ibnu Hajar al-Haitami:*

Jika keseluruhan solat yang hendak diqadha'kan ditinggalkan secara uzur syar'i atau keseluruhannya ditinggalkan bukan sebab uzur syar'i, maka disunatkan mengqadha'nya secara tertib solat yang ditinggalkan.

Jika sebahagiannya ditinggalkan kerana uzur syar'i dan sebahagian yang lain pula ditinggalkan bukan sebab uzur syar'i, maka wajib mengqadha' solat yang ditinggalkan bukan sebab uzur syar'i terlebih dahulu.



3

Dari segi mendahulukan solat yang masih memiliki waktu (solat ada'an)

- Untuk solat yang ditinggalkan kerana uzur syar'i, dianjurkan untuk mendahulukannya daripada solat ada'an (yang masih ada waktunya).
- Untuk solat yang ditinggalkan bukan sebab uzur syar'i, wajib untuk mendahulukannya daripada solat ada'an (yang masih ada waktunya).

Perincian ini dilakukan jika waktu solat ada'an masih panjang. Jika waktu solat ada'an sudah hampir habis waktu, maka wajib mendahulukan solat ada'an.

Nota Ringkas

Wajib dahulukan solat ada'an jika waktu solat sudah hampir habis waktu

KEADAAN QADHA' SOLAT KERANA UZUR



Jika seseorang tidak solat fardhu kerana terdapatnya keuzuran, maka perincian hukum wajib qadha' solat tersebut adalah seperti berikut:

- Contoh situasi: Jika terdapat uzur umum, solat seseorang yang janabah dengan tayamum kerana tidak mendapatkan air, maka hukumnya adalah tidak wajib untuk mengqadha' solat berkenaan setelah mendapatkan air untuk mandi.



- Jika terdapat keuzuran yang jarang terjadi, maka ia terbahagi menjadi dua (2) bahagian iaitu:

1

Yang terus terjadi. Sebagai contoh:

Da'lmul hadats atas istihadah, maka hukumnya adalah tidak wajib untuk mengqadha' solat kerana boleh dan wajib melakukan solat pada waktunya.

2

Yang dapat berhenti, terbahagi lagi kepada dua (2) bahagian iaitu:

- Yang tidak dapat ganti. Sebagai contoh: Seseorang yang solat tanpa wuduk dan tanpa tayamum (faqid ath-thahurain) kerana sakit yang mencegah daripada penggunaan air dan debu dengan pemberitahuan daripada doktor yang dipercayai, maka hukumnya adalah tidak wajib untuk mengqadha' solat.
- Yang dapat ganti. Sebagai contoh: Seseorang yang mukim (tidak dalam keadaan musafir) solat dengan bertayamum, maka hukumnya adalah wajib untuk mengqadha' solat.

Nota Ringkas

Terdapat dua (2) hukum qadha' bagi seseorang yang tinggal solat kerana keuzuran

PERINCIAN HUKUM DALAM MEMPERCEPATKAN QADHA' SOLAT



HUKUM MEMPERCEPATKAN QADHA' SOLAT

Jika meninggalkan solat kerana terdapat keuzuran yang dibenarkan oleh syariat, maka disunatkan untuk mempercepatkan qadha' solat. Namun jika meninggalkan solat tanpa terdapat keuzuran yang dibenarkan oleh syariat, maka wajib untuk mempercepatkan dan menggunakan seluruh waktunya untuk mengqadha' solat-solat yang telah ditinggalkan dan tidak boleh baginya melakukan solat sunat sebelum selesai mengqadha' solat-solat tersebut. Hal ini menurut pendapat yang kuat dalam mazhab Imam Syafie.

Nota Ringkas

Sunat untuk percepatkan qadha' jika tinggal solat kerana keuzuran yang dibenarkan

**BELUM QADHA'
SOLAT TETAPI SOLAT
SUNAT**



- Terdapat dua (2) keadaan orang yang meninggalkan solat wajib/fardhu:

1. Tanpa Keuzuran



Seseorang yang meninggalkan solat wajib tanpa keuzuran, **wajib** menggunakan seluruh waktunya untuk mengqadha' solat-solat tersebut kecuali untuk kepentingan yang bersifat asas dan perlu seperti makan, minum, tidur, buang air kecil dan lain-lain.

Jika dia melakukan perkara lain yang tidak bersifat asas dan perlu bagi dirinya, maka dia dianggap menunda melaksanakan qadha' solatnya dan ia adalah sesuatu yang diharamkan. Dia juga tidak dibolehkan (haram) melakukan solat sunat kerana mengqadha' solat dengan secepat mungkin baginya adalah wajib, sedangkan melaksanakan solat sunat seperti qabliyyah, ba'diyyah, dhuha dan solat sunat lain adalah sunat.



2. Kerana Keuzuran

Orang yang meninggalkan solat kerana keuzuran, boleh baginya untuk melakukan solat-solat sunat kerana dia tidak wajib mengqadha' solat yang dia tinggalkan dengan segera, tetapi sunat mengqadha'kannya dengan segera.

Boleh melakukan solat sunat sebelum menyelesaikan hutang solat yang wajib jika meninggalkannya kerana keuzuran. Jika tidak, hukumnya haram

Walau bagaimanapun, menurut Imam Habib Abdullah al-Haddad, dibolehkan. Jika solat fardhu ditinggalkan kerana ada keuzuran (tidak sengaja), maka dibolehkan untuk solat sunat umpama solat sunat Tahiyatul Masjid atau qabliyah.

Tetapi jika solat fardhu ditinggalkan tanpa ada keuzuran (tidak sengaja), maka tidak dibolehkan untuk solat sunat.




Jika meninggalkan solat fardhu itu kerana uzur syar'i, sah dan tidak haram mengerjakan solat sunat. Tetapi apabila meninggalkan solat fardhu itu kerana uzur syar'i haram mengerjakan solat sunat, tetapi sah solatnya menurut pendapat Imam Ibnu Hajar al-Haitami, tidak sah menurut Imam Az-Zarkasyi.

Tidak boleh solat sunat jika masih ada lagi solat fardhu yang belum diqadha'kan apabila solat qadha' tersebut ditinggalkan tanpa uzur syar'i.

Bagi orang yang mempunyai tanggungan solat qadha' tanpa uzur syar'i tetapi melakukan solat sunat, dia tetap mendapat pahala daripada solat sunat tersebut. Walau bagaimanapun, dari sisi lain, dia berdosa kerana menggunakan waktu untuk perkara yang tidak diwajibkan (iaitu melakukan solat sunat tersebut)

Nota Ringkas

Tidak boleh solat sunat jika masih ada lagi solat fardhu yang belum diqadha' kan



Walau bagaimanapun, ada pendapat yang membolehkan melakukan solat sunat walaupun masih ada hutang solat qadha' dan dia mendapat pahala apabila melaksanakan solat-solat sunat tersebut.

Nota Ringkas

Ada pendapat yang benarkan buat solat sunat walau masih ada hutang solat

**MELAMBAT-
LAMBATKAN SOLAT
SEHINGGA DATANG
HAID**



MELAMBATKAN SOLAT SEHINGGA DATANG HAID

Apabila kedatangan haid ketika waktu solat sudah masuk tetapi masih boleh mengerjakan solat untuk waktu sebelumnya, solat itu wajib diqadha' jika waktu yang dilewatkan tersebut kira-kira cukup digunakan untuk mengerjakan solat atau cukup digunakan bersuci dan mengerjakan solat bagi orang yang dalam da'im al-hadats.



Nota Ringkas

Solat yang tertinggal akibat sengaja dilambatkan wajib diqadha'

**BERHENTI DARI
HAID/GILA DIRASUK
DALAM WAKTU
TAKBIRATUL IHRAM**



Jika haid berhenti bagi seorang wanita, atau sedar daripada gila atau sedar selepas kerasukan jin ketika waktu yang hanya cukup melakukan takbiratul ihram, **tetap wajib untuk melakukan solat tersebut serta mengqadha'kan solat sebelumnya jika boleh dijamak seperti asar bersama zohor dan isyak bersama maghrib.**

Nota Ringkas

Dalam situasi ini, kita masih diwajibkan untuk qadha' solat

QADHA' WANITA YANG SEDANG HAID DAN NIFAS



Dalam kitab *Fath al-Qarib wa Hasyiah al-Baijuri* (1/129-130), *Kasyifah as-Saja* (ms. 88) dan *Zain ath-Thalib* (1/65), perempuan yang sedang haid dan nifas tidak wajib solat dan tidak wajib atasnya mengulangi (*mengqadha'*) solat-solat yang ditinggalkannya selama dia di dalam tempoh haid dan nifas.

Perempuan yang murtad, apabila dia kembali kepada Islam, maka tidak wajib qadha' solatnya yang dalam masa haid dan nifas dalam masa murtadnya.



Nota Ringkas

Tidak perlu qadha' solat
yang ditinggal sepanjang
haid & nifas



FADILAT

SOLAT FARDHU



Allah SWT berfirman:

إِنَّ الصَّلَاةَ كَانَتْ عَلَى الْمُؤْمِنِينَ كِتَابًا مَّوْقُوتًا

Maksudnya: "Sesungguhnya sembahyang itu adalah satu ketetapan yang diwajibkan atas orang-orang yang beriman, yang tertentu waktunya."

Surah An-Nisa: 103



Allah SWT berfirman:

إِنَّ الصَّلَاةَ كَانَتْ عَلَى الْمُؤْمِنِينَ كِتَابًا مَوْقُوبًا

Maksudnya: "Sesungguhnya sembahyang itu adalah satu ketetapan yang diwajibkan atas orang-orang yang beriman, yang tertentu waktunya."

Surah An-Nisa: 103

يَأَيُّهَا الَّذِينَ ءامَنُوا لَا تُلْهِكُمْ أَمْوَالُكُمْ وَلَا أُولَادُكُمْ عَنْ
ذِكْرِ اللَّهِ وَمَنْ يَفْعَلْ ذَلِكَ فَأُولَئِكَ هُمُ الْخَاسِرُونَ

Maksudnya: "Wahai orang-orang yang beriman! Janganlah kamu dilalaikan oleh (urusan) harta benda kamu dan anak-pinak kamu daripada mengingati Allah (dengan menjalankan perintahNya). Dan (ingatlah), sesiapa yang melakukan demikian, maka mereka itulah orang-orang yang rugi."

Surah Al-Munafiqun: 9



Maksud mengingati pada Allah SWT dalam ayat tersebut adalah melakukan solat lima (5) waktu. Dalam sebuah hadis riwayat disebutkan:

عَنْ ابْنِ عُمَرَ رَضِيَ اللَّهُ عَنْهُمَا قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ أَوَّلُ مَا افْتَرَضَ اللَّهُ تَعَالَى عَلَى أَمْتِي الصَّلَوَاتِ الْخَمْسُ؛ وَأَوَّلُ مَا يُرْفَعُ مِنْ أَعْمَالِهِمُ الصَّلَوَاتِ الْخَمْسُ، وَأَوَّلُ مَا يُسَأَلُونَ عَنِ الصَّلَوَاتِ الْخَمْسِ، فَمَنْ كَانَ ضَيْعَ شَيْئًا مِنْهَا يَقُولُ اللَّهُ تَبارَكَ وَتَعَالَى: انْظُرُوا هَلْ تَجِدُونَ لِعَبْدِي نَافِلَةً مِنْ صَلَاةٍ تُتَمُّمُونَ بِهَا مَا نَقَصَ مِنَ الْفَرِيضَةِ؟ وَانْظُرُوا فِي صِيَامِ عَبْدِي شَهْرَ رَمَضَانَ، فَإِنْ كَانَ ضَيْعَ شَيْئًا مِنْهُ فَانْظُرُوا هَلْ تَجِدُونَ لِعَبْدِي نَافِلَةً مِنْ صِيَامِ تُتَمُّمُونَ بِهَا مَا نَقَصَ مِنَ الصَّيَامِ، وَانْظُرُوا فِي زَكَاةِ عَبْدِي فَإِنْ كَانَ ضَيْعَ مِنْهَا شَيْئًا فَانْظُرُوا هَلْ تَجِدُونَ لِعَبْدِي نَافِلَةً مِنْ صَدَقَةِ تُتَمُّمُونَ بِهَا مَا نَقَصَ مِنَ الرَّزْكَةِ فَيُؤْخَذُ ذَلِكَ عَلَى فِرَائِصِ اللَّهِ؛ وَذَلِكَ بِرَحْمَةِ اللَّهِ وَعَدْلِهِ؛ فَإِنْ وُجِدَ فَضْلًا وُضِعَ فِي مِيزَانِهِ، وَقِيلَ لَهُ: ادْخُلِ الْجَنَّةَ مَسْرُورًا؛ وَإِنْ لَمْ يُوجَدْ لَهُ شَيْءٌ مِنْ ذَلِكَ أُمِرَتْ بِهِ الرَّبَابِيَّةُ فَأَخَذُوا بِيَدِهِ وَرِجْلِيهِ ثُمَّ قُذْفَ بِهِ فِي النَّارِ. رواه الحاكم



Maksudnya: "Dari Saidina Ibnu Umar r.a berkata:

Rasulullah SAW bersabda: "Perkara utama yang diwajibkan oleh Allah SWT kepada umatku adalah solat lima waktu. Pahala pertama amal perbuatan mereka yang diangkat ke langit adalah pahala solat lima waktu. Amal perbuatan utama yang mereka akan pertanggungjawabkan adalah solat lima (5) waktu.

Oleh kerana itu, barang siapa yang mengabaikan sesuatu daripada lima (5) solat itu, maka Allah SWT berfirman kepada malaikat:

"Lihatlah apakah kamu menjumpai pada hamba-Ku solat sunat yang digunakan untuk menyempurnakan solat wajib yang kekurangan ditinggalkan. Dan lihatlah puasanya hamba-Ku pada bulan Ramadan apabila ternyata mengabaikan sesuatu daripadanya.

Maka lihatlah, apakah menjumpai puasa sunat yang pernah dilakukannya, sehingga kamu dapat melengkapi puasa yang diabaikan dengan puasa sunat tersebut. Dan lihatlah zakatnya hamba-Ku. Apabila hamba-Ku mengabaikan sesuatu daripadanya. Maka lihatlah apakah kamu menemukan sedekah sunat yang dilakukan oleh hamba-Ku sehingga kamu dapat mengisi kekurangan dari zakat wajib itu.



Seluruh amalan sunat itu diambil sebagai kewajiban-kewajiban Allah SWT. Hal itu dilakukan lantaran belas kasih terhadap Allah SWT dan keadilan-Nya. Apabila memang terdapat kelebihan maka diletakkan pada timbangan-Nya, dan dikatakan kepadanya: masuklah ke syurga dengan gembira.

Apabila kelebihan itu tidak ada pada amal perbuatannya maka malaikat Zabaniyah diperintahkan untuk menghukumnya, kaki dan tangannya dilemparkan ke neraka.”

HR Imam Hakim

Rasulullah SAW bersabda:

عَنْ جَابِرٍ وَهُوَ ابْنُ عَبْدِ اللَّهِ ، قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: مَثُلُ الصَّلَواتِ الْخَمْسِ كَمَثُلِ نَهْرٍ جَارٍ، غَمْرٌ عَلَى بَابِ أَحَدِكُمْ، يَغْتَسِلُ مِنْهُ كُلَّ يَوْمٍ خَمْسَ مَرَّاتٍ

Maksudnya: "Diriwayatkan daripada Saidina Jabir r.a beliau adalah anak Abdullah, katanya Rasulullah bersabda, "Perumpamaan solat lima waktu ialah seperti seseorang yang mandi di sebatang sungai yang mengalir di hadapan rumah nya sebanyak lima kali sehari."

HR Imam Muslim



عَنْ أَبِي ذَرٍّ رَضِيَ اللَّهُ عَنْهُ أَنَّ النَّبِيَّ صَلَّى اللَّهُ عَلَيْهِ وَسَلَّمَ خَرَجَ مِنَ الشَّتَاءِ وَالْوَرْقُ يَتَهَافَتُ فَأَخَذَ بُغْصَنِينِ مِنْ شَجَرَةٍ قَالَ فَجَعَلَ ذَلِكَ يَتَهَافَتُ فَقَالَ يَا أَبَا ذَرٍّ، قُلْتُ: لَبَّيْكَ يَا رَسُولَ اللَّهِ، قَالَ إِنَّ الْعَبْدَ الْمُسْلِمَ لَيُصَلِّي الصَّلَاةَ يُرِيدُ بِهَا وَجْهُ اللَّهِ فَتَهَافَتَ عَنْهُ ذُنُوبُهُ كَمَا تَهَافَتَ هَذَا الْوَرْقُ عَنْ هَذِهِ الشَّجَرَةِ رَوَاهُ أَحْمَدُ

Maksudnya: "Daripada Saidina Abu Dzar r.a sesungguhnya Nabi Muhammad keluar pada musim dingin, di mana daun pohon banyak yang gugur. Lalu beliau mengambil dua dahan dari salah satu pohon. Abu Dzar berkata: Dahan yang diambil oleh Nabi itu pun gugur daunnya. Lalu Nabi Muhammad bersabda: "Wahai Abu Dzar". Aku berkata: 'Labbaika ya Rasulullah'. Lalu Nabi bersabda: "Sesungguhnya seorang hamba muslim menjalankan solat dengan ikhlas untuk mencari reda Allah SWT, lalu dosa-dosanya gugur sebagaimana daun ini gugur dari pohon ini."


HR Imam Ahmad



عَنْ ابْنِ عُمَرَ رَضِيَ اللَّهُ عَنْهُمَا إِنَّ الْعَبْدَ إِذَا قَامَ يُصَلِّى آتَى
بِذُنُوبِهِ كُلَّهَا . فَوَضَعَتْ عَلَى رَأْسِهِ وَعَائِقَيْهِ فَكُلَّمَا رَكَعَ أَوْ
سَجَدَ تَسَاقَطَتْ عَنْهُ ذُنُوبُهُ رَوَاهُ الطَّبَرَانِيُّ وَالْبَيْهَقِيُّ

Maksudnya: “Dari Saidina Ibnu Umar r.a, sesungguhnya apabila seseorang hamba bediri untuk menjalankan solat, maka dosa-dosanya didatangkan dan di letakkan di atas kepalanya dan dua bahunya. Setiap rukuk atau sujud, dosa-dosa gugur daripadanya.”

HR Imam Thabrani &
al-Baihaqi






عَنْ عُثْمَانَ رَضِيَ اللَّهُ عَنْهُ عَنِ النَّبِيِّ صَلَّى اللَّهُ عَلَيْهِ
وَسَلَّمَ قَالَ مَا مِنْ امْرِيٍّ مُسْلِمٌ يَحْضُرُ صَلَاةً مَكْتُوبَةً
فَيُخْسِنُ وُضُوئَهَا وَخُشْوَعَهَا وَرُكُوعَهَا إِلَّا كَانَتْ لَهُ كَفَارَةً
لِمَا قَبْلَهَا مِنَ الذُّنُوبِ مَا لَمْ تَأْتِ كَبِيرَةً وَذَلِكَ الدَّهْرُ كُلُّهُ.
رَوَاهُ مُسْلِمٌ

Maksudnya: “Dari Saidina Usman r.a, dari Nabi SAW bersabda: “Tiadalah seorang muslim yang ketika masuk waktu solat wajib, lalu berwuduk dengan baik, melakukan solat dengan khusyuk, begitu juga rukuk dengan baik tidak lain tidak bukan, solat itu akan menjadi penghapus dosa-dosa yang dilakukan sebelumnya, selama tidak menjalankan dosa besar.”

HR Imam Muslim





عَنْ أَنَسِ رَضِيَ اللَّهُ عَنْهُ قَالَ مَا مِنْ حَافِظٍ لِمَا يَرْفَعُ إِلَى
اللَّهِ تَعَالَى بِصَلَاةٍ إِلَّا قَالَ اللَّهُ تَعَالَى أَشْهِدُ
كَمَا أَنِّي قَدْ غَفَرْتُ لِعَبْدِي مَا بَيْنَهُمَا. رواه البيهقي

Maksudnya: "Daripada Saidina Anas r.a berkata: "Dua malaikat yang mencatat amal perbuatan seseorang menghadap pada Allah SWT dengan membawa solat seorang lelaki bersama solatnya kepada Allah SWT lalu Allah SWT berfirman: "Aku telah menyaksikanmu, sesungguhnya Aku telah mengampuni dosa-dosa hamba-Ku yang dilakukan antara dua waktu solat itu."



*Siapa yang memelihara solat wajib dengan baik,
maka Allah SWT memuliakan dengan lima (5)
perkara:*

1

Terhindar daripada kesempitan rezeki;

2

Terhindar dari seksaan kubur (apabila mati);

3

**Allah SWT memberikan catatan amal dan dia
akan menerimanya dengan tangan kanannya;**

4

**Berjalan di atas jambatan siratul mustakim
dengan cepat seperti kilat;**

5

Masuk syurga tanpa dihisab.



Barang siapa yang meninggalkan solat wajib maka akan menerima 15 jenis seksaan. Lima (5) seksaan di dunia, tiga(3) ketika mati, tiga (3) di dalam kubur dan tiga (3) sewaktu keluar dari kubur. Untuk seksaan di dunia:



Setiap amal yang dilakukan tidak akan diberi pahala oleh Allah SWT;



Dicabut tanda-tanda orang soleh di wajah;



Hilang keberkatan usia;



Dibenci ramai orang.



Tidak mendapat doa dari orang-orang soleh;



Apabila berdoa tidak akan diangkat ke langit dan tidak dikabulkan;



Untuk seksaan yang diterima **sewaktu mati** adalah seperti berikut:

- 1 Mati dalam keadaan terhina;
- 2 Mati dalam keadaan lapar.
- 3 Mati dalam keadaan haus, apabila diberi minum dengan air sebanyak satu lautan tidak mampu menghilangkan kehausannya.





Untuk hukuman yang akan diterima di dalam alam kubur:

- Allah menyempitkan kuburnya sehingga berlaga tulang rusuk kanan dengan tulang rusuk kiri;
- Ruang kubur diisi api, sehingga si mati siang dan malam kesakitan bergelimpangan di atas bara;
- Di dalam kubur akan bertemu dengan ular yang diperintahkan oleh Allah SWT untuk menyeksa si mati yang meninggalkan solat. Ular itu bernama Asy-Suja' Al-Aqra' (pemberani yang berkepala botak). Matanya dari api, kukunya dari besi. Setiap kuku panjangnya perjalanan satu hari. Dia berbicara pada mayat "Aku adalah Asy-Suja' Al-Aqra'." Suaranya seperti guruh yang berdentum.





Dia juga berkata: "Tuhanku memerintahkan aku untuk memukulmu, kerana kamu mengabaikan Solat Subuh sehingga matahari terbit. Aku memukulmu kerana engkau mengabaikan solat Zuhur hingga waktu Asar tiba. Aku memukulmu kerana kamu mengabaikan solat Asar hingga Maghrib. Aku memukulmu kerana kamu mengabaikan solat Maghrib hingga Isyak. Aku memukulmu kerana engkau mengabaikan solat Isyak hingga matahari terbit." Jadi setiap satu (1) pukulan maka mayat akan terbenam di perut bumi kira-kira 70 meter dan tidak henti-hentinya terseksa sampai hari kiamat."





Manakala hukuman yang akan diterima semasa keluar dari **alam barzakh** menuju ke **Mahsyar** adalah seperti berikut:



Sukar dan
panjang
tempoh
hisabnya



Dibenci Allah
SWT;



Masuk ke
neraka.



Menurut sebahagian riwayat hadis sebagai berikut:

“Sesungguhnya orang yang meremehkan solat akan datang di hari kiamat bersama wajahnya tertulis tiga baris seperti berikut:

- **Orang yang mengabaikan hak Allah SWT;**
- **Orang yang mendapat kebencian Allah SWT secara khusus;**
- **Semoga Allah SWT mengabaikanmu sebagaimana kamu di dunia sering mengabaikan hak Allah SWT. Maka sekarang kamu hendaknya putus asa, jangan mengharapkan rahmat Allah SWT.**

KELEBIHAN MENUNAIKAN SOLAT



Lapan (8) Kelebihan Menunaikan Solat



1

Hati menjadi tenang



2

Dapat keredaan dan keampunan daripada Allah SWT



3

Membentuk disiplin diri



4

Solat membuka pintu rezeki



5

Solat memakbulkan doa dan permohonan



6

Solat menjadi anak kunci ke syurga



Allah SWT berfirman:

أُتْلِ مَا أُوحِيَ إِلَيْكَ مِنَ الْكِتَابِ وَأَقِمِ الصَّلَاةَ إِنَّ الصَّلَاةَ
تَنْهَىٰ عَنِ الْفَحْشَاءِ وَالْمُنْكَرِ وَلَذِكْرُ اللَّهِ أَكْبَرُ وَاللَّهُ يَعْلَمُ مَا
تَصْنَعُونَ

Maksudnya: “Bacalah serta ikutlah (wahai Muhammad) akan apa yang diwahyukan kepadamu dari Al-Quran, dan dirikanlah sembahyang (dengan tekun); sesungguhnya sembahyang itu mencegah dari perbuatan yang keji dan mungkar; dan sesungguhnya mengingati Allah adalah lebih besar (faedahnya dan kesannya); dan (ingatlah) Allah mengetahui akan apa yang kamu kerjakan.”


Surah Al-'Ankabut: 45

NOTA KULIAH

NOTA KULIAH

NOTA KULIAH


KINI DI PASARAN



SUDAH LEBIH 1000 BUKU TERJUAL


Buku berdasarkan kitab yang diiktiraf dan sahih. Menceritakan perihal bersuci, ibadah, zakat, pengurusan jenazah dan puasa.

KINI DI PASARAN




Buku ini menekankan lebih mendalam tentang adab-adab di dalam Islam melibatkan masyarakat, keluarga dan rakan.

KINI DI PASARAN




Buku ini merupakan rujukan yang padat tentang Fiqh darah wanita. Amat sesuai untuk pencinta Ilmu Fiqh.

KINI DI PASARAN



Buku ini memberi pemahaman yang mendalam mengenai aturan tajwid dan membantu pembaca meningkatkan kualiti bacaan al-Quran.

KINI DI PASARAN




Buku ini berkongsi kaedah untuk membersihkan mulut dan gigi dengan kaedah bersugi.

KINI DI PASARAN



Buku Sirah Agung Nabi Muhammad SAW yang mempunyai himpunan 397 hadis. Diterbitkan untuk memperkenalkan kepada pembaca keadaan peribadi Nabi SAW daripada pelbagai sudut

KINI DI PASARAN



Buku ini tentang penerangan amalan-amalan ibadat yang kita dapat lakukan dalam setiap bulan islam.

KINI DI PASARAN



BeDaie
"1 Rumah, 1 Daie"

Doa & **WIRID HARIAN**

KHULASHAH AL-MADAD AN NABAWI

Oleh:

Al Imam Al Habib Umar bin Muhammad bin Salim bin Hafidz

Buku ini mengandungi himpunan zikir dan doa pilihan pendakwah terkenal oleh Al Imam Al Habib Umar Bin Muhammad Bin Hafidz. Termasuk doa yang disarankan untuk dibaca setiap hari.



Terbitan: Dakwah Digital Network

Buku ini tentang himpunan zikir dan doa pilihan pendakwah terkenal untuk para muslim amalkan.

KINI DI PASARAN

BeDaie

"1 Rumah, 1 Daie"

PANDUAN AQIDAH

AHLI SUNNAH WAL JAMAAH

"TERJEMAHAN AQIDATUL AWAM"

karya

**SYEIKH SAYYID AHMAD AL MARZUQI
AL MALIKI AL HASANI**

Terbitan: Dakwah Digital Network



Buku ini bertujuan untuk memberi panduan kepada umat Islam mengenali tauhid khususnya bagi golongan pemula.

KINI DI PASARAN




IQRA' BEDAIE

TAJWID, MAKHRAJ

Buku Iqra' adalah panduan efektif untuk mula belajar membaca Al-Quran dengan cara yang sistematis dan mudah difahami.

KINI DI PASARAN



**Buku ini tentang analan hukum Islam khas untuk wanita,
mengintegrasikan ajaran fiqh dengan pengembangan peribadi dalam
konteks keislaman.**

KINI DI PASARAN

BeDaie

"1 Rumah, 1 Daie"

PANDUAN LENGKAP **MANDI WAJIB**

sebuah buku panduan praktis dalam Islam yang membahas secara detail tata cara mandi wajib sesuai dengan ajaran agama. Isi buku ini umumnya menjelaskan langkah-langkah praktis dalam melakukan mandi wajib, termasuk persiapan sebelum mandi, niat yang harus dinyatakan, serta prosedur mandi yang benar agar sah menurut syariat Islam.




Buku ini membimbing pembaca untuk melaksanakan mandi wajib dengan betul sekali gus menerangkan secara terperinci tatacara dan syarat sahnya.

KINI DI PASARAN



Buku untuk kanak-kanak yang mempermudah proses mengenal huruf hijaiyyah dengan pendekatan yang menyenangkan dan interaktif.

KINI DI PASARAN



Buku ini membantu anak-anak anda memahami ajaran agama sambil melakukan aktiviti kreatif.

KINI DI PASARAN



Buku ini menyediakan 100 koleksi doa khas untuk kanak-kanak yang boleh diamalkan dalam kehidupan seharian



Buku ini berkaitan hukum dan adab di antara majikan, pekerja dan rakan sekerja

Panduan Qadha' Solat

Pengukuhan Tentang Cara Solat Ganti

Qadha' adalah melakukan ibadah (dalam konteks ini ialah solat di luar waktunya atau melakukannya dalam waktunya tetapi tidak mencapai satu (1) rakaat. Adalah penting untuk mempelajari hukum hakam qadha' solat agar tidak timbul rasa wak-was dalam melakukan solat ganti.

Nama yang diberi Muhammad Amar Mirza Bin Abd Kadir Jailani. Berusia 30 tahun dan mendapat pendidikan di Maahad Tahfiz Sains Tanah Merah selama 5 tahun. Beliau turut mendapat pendidikan dalam bidang shariah di Yaman selama 5 tahun. Merupakan pemilik syarikat Dakwah Digital Network Sdn. Bhd. Beliau juga pengasas kepada platform BeDaie, Berkatpay & Mypatuh.

Pencapaian: Mendapat Anugerah Kelantan Business Ikon Award, Panel jemputan Selamat Pagi Malaysia (SPM) TV1 "Ke arah Pendigitalan Pengajian Agama Islam", Penyampai jemputan Renungan Molek di Radio Molek EM, Melancarkan Akademi Memandu Path Syariah, Kempen "Ngaji Kitab dan Al-Quran Bersifil No. 1 Malaysia, Mendapat Anugerah Ikon Brand Awards IBA2022 "Top Young Ceo in Shariah Consultant Industry", Klinik, Hospital dan Farmasi Patuh Syariah, PDRM Cakna syariah, Jururawat Patuh Syariah, Jelajah Bersanad dan lain-lain.

Semoga buku ini bermanfaat bagi pembaca khususnya mereka yang ingin memperbaiki kualiti solat.



"1 Rumah, 1 Daie"

Lot 2853, Tingkat 2, Kampung Peringat,
Jalan Pasir Puteh, 16090 Kota Bharu,
Kelantan.

Tel: 01157798539 / 01157798533
Email: bedaieofficial@gmail.com
bedaie.com

ISBN 978-629-99416-5-1



9 786299 941651

Sem. Malaysia: RM39.00
Sabah/Sarawak: RM41.00